



16. august 2024

UKA 2024/150

Inatsisartut maleruagassaasa § 36 malillugu apeqquteqaat tunngavigalugu oqallissiamik ima siunnersuuteqarpunga:

**Apeqquteqaat tunngavigalugu oqallissiatut siunnersuut, isumassarsialatsiaanersoq, Naalakkersuit peqquneqassasut qaammatikkaartumik imminut toqunnerit imminullu toqoriarluarnerit amerlassusaannik nalunaarusiortalernissaannik QAMANI<sup>1</sup> -mi suliniutissatut siunertaasut iluatsilluartumik timitalerneqarnissaat anguniarlugu**  
(Inatsisartunut ilaasortaq Anna Wangenheim, Demokraatit)

Imminut toquutarneq ajornartorsiutaavoq imaannaanngitsoq. Taassaanngitsumik ilaqtariinnut, nunaqqatigiinnut inuiaqatigiinnullu kingunerlutsitsisarpoq. Maani nunatsinni immikkut unammillernartuuteqarpugut, imminut toqutarnerit imminullu toqoriarluarnerit amerlassusaat qaffasitorujussuummat nunanut allanut sanilliullugu. Pisariaqarpoq ajornartorsiutip taassuma oqaasinngortinnissaa imatut, pinaveersaartitsinermik eqqummaarinne runermillu kinguneqartillugu. Imminut toqunnerup oqaasinngortinneratigut ajornartorsiutaasup eqqortumik paasineqarnissaat nipangiutiinnarneqartarneralu killilersinnaavarput. Imaassinnaasoq iluaqutaasoq, inunnut nipaatsumik naalliuuttunut ikiortissarsiorsinnaanngitsunut.

Isumaqpungu, ilisimatitsineq paassisutissiinerlu imminut toqutarnerup pinaveersaartinnissaanut pingaarutilerujussusinnaasoq. Kisitsisnik inuillu oqaluttuaanik avitseqateqarnikkut inunnut erseqqissaatigineqarsinnaapput mianernartoqarneranut ersiutit maluginiarnissaat. Tamanna pisortaniit namminersortuniillu sullisisunit ataqtigiinnerusumik suliniarnermik malitseqarsinnaavoq.

Imminut toquenneq aammalu imminut toqunnissamut pinaveersaartitsineq mianernartuuvoq, taamaakkaluartorli pingaaruteqarpoq, sapiissuseqarluta nipangiutiinnarneqartarnerata unitsinnissaanut oqallissinnaanissarput. Imaattoqariaannaavorli, imminut toqutarnerup oqallisigivallaarnerata kingunerisinnaagaa, imminut toqunnerup akuerineqarnera ajornartorsiutnik qaangiiniarnermi aaqqiissutissatut pingaartumik inuuusuttuni atugarliortuni. Allatut oqaatigalugu imminut toqutarnerup oqallisigineqarnerata inuit, ajornartorsioreersut imminut toqunnissamik eqqarsalersissinnaavai. Tamanna siornatigut nuanninngitsunik pisimasunik eqqaasitsisuuusutut taaneqartarpoq. Taamaattumik pisariaqarpoq peqqissaartumik akisussaassusilimillu oqaluuserineqarnissa imminut touttoqartillugu imminullu toqoriarluartoqartillugu pinaveersaartitsinerup eqqartorneqarnerani. Naak siunertaagaluartoq nipangiutiinnartakkat ammaannissaat, aamma imaariataarsinnaavoq imminut toqunnissamik eqqarsartut immikkoortinnejarlutik misigitinneqartut.

Oqaasinngortitsinissamik siunnersuut unaasinnaavoq imminut toqutarnerit imminullu toqoriarluarnerit qassiuneri qaammatikkaartumik nalunaarutigineqartarnerat. Tamanna isummersoqatigiinnermik

<sup>1</sup> "QAMANI – Imminut toqunnissamik pinaveersaartitsineq pillugu periusissiaq 2023-2028" - Naalakkersuisut 2023



ataavartumik pilersitsisinnaammat qulakkeerlugulu, oqallisigisap pisortanit pingaartittuarneqarnissaa aammalu tassunakkut nunaqqataasut sianiginninnerat akisussaaqataanerallu annertusineqarlutik. Una nalunaaruteqartarnissamik siunnersuut aamma qajannaatsumik tunngaviusinnaavoq paasitsinsiaanernut, inuit oqaluttuaannik nittarsaassinermut, kisitsisinik saqqummiussinermik aammalu sumi ikiorneqarsinnaaneq ilangngullugu saqqumilaarnermik.

Tassaammammi ikiorneqarnissamut ersarissuliornissamullu aqqutip pisariinnerusariaqarnerat aammalu qulakkeerlugu tapersorsorneqarnissamut saaffissat qimarguinnullu atassuteqarfissat, aammalu inuuusuttut kinaassusertik isertuullugu siunnersorneqarsinnaanerat tapersorsorneqarsinnaaffissaallu. Pitsassuuvoq Tusaannga-p ammssarfini sivitsorsimammagitt, kisiannili annertunerusumik atuuffia paasitsiniutigisariaqarluni.

Siunnersuut aallaavigalugu kisitsisinik pissarsiaqartalernissap iluaqutaasumik atorneqarsinnaapput atuarfinnut ilinniartitsissutit, tassunga ilutigalugu tarnikkut peqqissutsip, imminut toqunnissamut ulorianartorsiortut suususerneqarneri kinaassusersillugillu allatigullu atorneqarsinnaallutik.

Tassunga atatillugu nuannaarutigaarput, Demokraatit innuttaasut tarnikkut ikiueeqqaarnissamut pikkorissarneqarnissaanik neqerooruteqarnissamik siunnersuutaat atugarliortut imminullu toqunnissamut pinaveersaartitsissutit politikkikkut amerlanerussuteqartunik taperserneqarmat<sup>2</sup>. Imaangilarli, suliniutit qaffassarnissai naamasigut. Politikkikkut akisussaaffigalugulu pisussaaffigaarput eqqumaffigiuarnissaa, nunatsinni ajornartorsiutaasorujussuummat. Taamatuttaaq qinikkatut pisussaaffigaarput qulakkiissallugu, QAMANI-p iluatsilluarnissaa, pappialaannaassanngimmat allaffeqarfimmi pujoralatsertoq.

Qilanaaraara tusassallugu, qanoq Naalakkersuisut partiillu oqallinnermut isummersussanersut.

---

<sup>2</sup> UKA 2022/79